

## SCRIPT OF EVENING GOJRI NEWS BULLETIN 21MAY 2026 1700HRS

اوننگ گوجری نیوز بولیٹن 21 مئی 2026

\*\*\*\*\*

یوہ آکاشوانی جموں بے نصرت تے اظہر حسین تیں خبر سنو۔

\*\*\*\*\*

### HEADLINES

- ۱۔ بھارت تے اٹلی نے، بھارت مشرق وسطیٰ تے یورپ نانہ جوڑن آلی اقتصادی رابداری منصوبہ نانہ مضبوط بنان ور اتفاق کیو ہے۔
- ۲۔ جموں کشمیر غا سرحدی علاقان مانہ نوی تعلیمی پالیسی غے تحت تعلیم غا شعبہ مانہ ایک نوی تبدیلی لب رئی ہے۔
- ۳۔ پولیس غا ڈپٹی انسپکٹر جنرل، راجوری پونچھ رینج ، نے اج پونچھ ضلع مانہ سرحدی علاقان غو دورو کیو تے انہاں نے ات حفاظتی صورتحال غو جائیزو لیو۔
- ۴۔ جموں کشمیر تے لداخ ہائی کورٹ نے ایندھن غی بچت واسطے مجازی سماعت نانہ نافذ کرن غو اعلان کیو ہے۔
- ۵۔ ادھمپور غی گڑیاں نے بین الاقوامی کراٹا مقابلہ مانہ 9 تمغہ جیت غے ملک غو ناں روشن کیو ہے۔

\*\*\*\*\*

### INDIA ITALY

بھارت تے اٹلی نے، بھارت مشرق وسطیٰ تے یورپ نانہ جوڑن آلی اقتصادی رابداری منصوبہ نانہ مضبوط بنان ور اتفاق کیو ہے تانجے تجارت ، سرمایہ کاری تے سپلائی چین نانہ بہتر بنایو جاسکے۔ وزیر اعظم نریندر مودی تے اٹلی غی وزیر اعظم جارجیا میلونی نے کہیو کہ یوہ منصوبہ عالمی تجارت، رابطہ تے خوشحالی مانہ اہم کردار ادا کرے غو۔ دواں رہنماواں نے 2026 مانہ ہون آلا پہلی آئی میک وزارتی میٹنگ مانہ اس منصوبہ نانہ آگے بدھان واسطے عملی اقدامات کرن ور زور دتو۔ اٹل غی وزیر اعظم نے کہیو کہ یوہ اقتصادی رابداری یورپ، مشرق وسطیٰ تے بھارت نانہ جوڑن آلو ایک اہم منصوبہ ہے۔ دواں ممالک نے سائنس، ٹیکنالوجی تے اختراع غا شعبان مانہ تعاون بدھان ور وی اتفاق کیو۔

\*\*\*\*\*

### EDUCATION BORDER

جموں کشمیر غا سرحدی علاقان مانہ نوی تعلیمی پالیسی تے کے 12 سکیم غے تحت تعلیمی غا شعبہ مانہ ایک نوی تبدیلی لب رئی ہے۔ ضلع کٹھوعہ غا بیرا نگر سیکٹر مانہ واقع گورنمنٹ ہائر سکینڈری سکول چک کنہ نانہ جدید تعلیمی مرکز مانہ تبدیل کیو جارہیو ہے۔ چار کروڑ روپیہ غی لاگے تیں جاری اس منصوبہ غے تحت اسمارٹ کلاس روم، کمپیوٹر لیب، ڈیجیٹل تعلیم، جدید بیت الخلاء تے دیگر سہولیات فراہم کی جئیں غی۔ اس قدم غو مقصد دیہی تے سرحدی علاقان گا طلبہ نانہ پہلی جماعت تیں 12 ویں جماعت توڑی ایک ہی جگہ

معیاری تے جدید تعلیم فراہم کرنو ہے تانجے شہری تے دیہی تعلیم غا فرق نانہہ کہٹ کیو جاسکے۔

\*\*\*\*\*

## DIG RP

پولیس غا ڈپٹی انسپکٹر جنرل، راجوری پونچھ رینج ، سندپ وزیر نے اج پونچھ ضلع مانہہ سرحدی علاقان غو دورو کیو تے اُنہاں نے اُت حفاظتی صورتحال تے تیاریاں غو جائیزو لیو۔ اُنہاں نے سلوتری سیکٹر مانہہ تعینات پولیس اہلکاراں تیں ملاقات کی تے سرحد ور امن-وامان برقرار رکھن واسطے حفاظتی انتظامات ، تعیناتی تے بکھ بکھ ایجنسیاں غے بشکار بہتر تال میل غو معائنو کیو۔ ڈی-آئی-جی نے حساس علاقان مانہہ چوکس رہن ، بہتر رابطہ رکھن تے موثر اقدامات ور زور دتو۔ بعد مانہہ اُنہاں نے ایک اجلاس غی صدارت وی کی جس مانہہ موجودہ حفاظتی صورتحال غو جائیزو لیو کیو۔

\*\*\*\*\*

## OGW KULGAM

جموں کشمیر گا ضلع کولگام مانہہ حفاظتی دستہ نے دہشت گرداں غا ایک معاون کارکن نانہہ گرفتار کرلیو ہے۔ پولیس، فوج تے سی آر پی ایف نے محمد پورہ گراں مانہہ مشترکہ کارروائی غے دوران ایک مشتبہ شخص نانہہ حراست مانہہ لیو۔ تلاشی غے دوران اس غا قبضہ تیں دو بینڈ گرنیڈ برآمد کیا گیا۔ پولیس نے اس سلسلہ مانہہ مقدمو درج کرغے مزید تحقیقات شروع کردتی ہے۔

\*\*\*\*\*

## NCC POONCH

دہشت گردی تے تشدد غے خلاف بیداری پھیلان واسطے 5 ویں جموں کشمیر بتالین نیشنل کیڈٹ کور غا کیڈٹس نے ڈی-وائی-ایس-پی منجیت سنگھ میموریل ہائر سکینڈری سکول پونچھ مانہہ انسداد دہشت گردی غا قومی دن ور ایک بیداری پروگرام گو انعقاد کیو۔ پروگرام غا انعقاد ایسوسیٹ این سی سی افسر سید نصرت شاہ غی رہنمائی مانہہ کیو گیو۔ شرکاء سنگ خطاب کرتا وان سید نصرت شاہ نے کہیو کہ اس پروگرام غو بُنیادی مقصد طلباء تے عوام نانہہ معاشرہ ور دہشت گردی تے تشدد غا مضر اثرات تیں آگاہ کرنو ہے۔ پروگرام غے دوران این سی سی کیڈٹس نے فرقہ وارانہ ہم آہنگی بھائی چارہ تے حُب الوطنی نانہہ برقرار رکھن غی اہمیت ناہہ اُجاگر کیو تے نوجواناں تیں اپیل کی کہ وے ہر قسم غی تشدد غے خلاف ایک جُٹ ہو غے ایک پُر امن معاشرہ غی تعمیر واسطے کم کریں۔

\*\*\*\*\*

## PROG ANN.

آکاشوائی جموں غو علاقائی خبراں آلو شعبو، مردم شماری 2027 ور ایک خصوصی ، پلک یعنی 22 مئی 2026 نانہہ سویرے 9 بج غے 30 منٹ ور، 25 منٹاں غو ایک پروگرام نشر کرے غو۔ اس پروگرام غو، موضوع وے غو، مردم شماری 2027، جدید طریقہ سنگ بھارت غا مستقبل غی منصوبہ بندی۔ اس خصوصی پروگرام مانہہ مارا مہمان وین غا جموں کشمیر تے لداخ غا چیف پرنسپل سینس افسر، امت شرما۔ جہیڑا پروگرام غا موضوع ور اپنا ماہرانہ خیالات تے معلومات سانجہ کریں

گا۔ پروگرام غی میزبانی کریں گا مارا انکر وجے بجاج۔سامعین یوہ پروگرام میڈیم ویو 303 میٹر یعنی 990 کلو ہٹز تے ایف۔ایم 100.3 میگا ہٹز ور سُن سکیں۔

\*\*\*\*\*

## J&K LADAKH HC

جموں کشمیر تے لداخ ہائی کورٹ نے ایندھن غی بچت واسطے مجازی سماعت تے ہانیرڈ نظام نافذ کرن غو اعلان کیو ہے۔ یوہ فیصلو وزیر اعظم نریندر مودی غی جانب تیں معاشی خود دفاع تے توانائی بچاؤ غی اپیل تیں بعد لیو گیو۔ ہائی کورٹ غی جانب تیں جاری سرکولر غے مطابق، یے احکامات اج تیں نافذ ہو گیا ہیں تے اگلا حکم توڑی جاری ریں گا۔ عدالت نے کہیو کہ وکلاء نانہ آن لائن سماعت ماتہ شرکت غی ترغیب دتی جے غی۔ 8 جون تیں شروع ہون آلی گرمیاں غی چھٹیاں ماتہ تعطیلاتی پنچ وی مجازی طریقہ تیں مقدمات غی سماعت کریں گا۔ اس تیں علاوہ تمام انتظامی دورہ تے معانہ فی الحال معطل کردتا گیا ہیں تے میٹنگ آن لائن ویں غی۔

\*\*\*\*\*

## MLA CYCLE

ایندھن تے دیگر وسائل غی بچت ور وزیر اعظم غا پیغام نانہ سُن غے جموں ، مڑھ غا ایم۔ایل۔اے سریندر بھگت نے سائیکل ور اپنا حلقہ غو دورو کیو ہے تے بر سویرے انہاں نانہ کہراں ماتہ سائیکل چلاتاں واں دیکھیو جاسکے تے رہائشیاں تیں اُن غی شکایات تے خدشات سُنن واسطے براہ راست گل بات کرتا واں دیکھیا جیں۔ انہاں نے اپنا حلقہ غا لوکاں تیں اپیل کی ہے کہ وہ ایندھن غی بچت تے ماحولیات غا تحفظ واسطے بامعنی اقدامات کریں انہاں نے کہیو کہ اوں ذاتی طور ور وزیر اعظم غی پہل گو ساتھ مرتب کرن تے ہمیشہ وزیر اعظم غی ہدایت ور عمل کرن غو فیصلو کیو ہے۔ اس بارے گل کرتا واں ایم ایل اے مڑھ سریندر بھگت نے اس طرح کہیو۔.....

\*\*\*\*\*

## RAINS

بارش تے گرج چمک وقفہ وقفہ تیں جموں کشمیر غا کئی حصاں ماتہ بار تک جاری رہن غی توقع ہے۔ ماہرین موسمیات غے مطابق اس دوران الگ تھلگ مقامات ور تیز ہوا ، اسمانی بجلی گرن ، زالہ باری تے شدید بارش ہو سکیں، تاہم اس دوران کیو گیو ہے کہ مرکزی زیر انتظام علاقاں ماتہ لگاتار بارش غی توقع نی ہے۔ جد کہ رہائشیاں خاص طور ور کمزور تے پہاڑی علاقاں ماتہ رہن آلا نانہ گرج چمک تے تیز ہوا غے دوران چوکنا رہن غو مشورو دتو گیو ہے۔

\*\*\*\*\*

## MARIGOLD

پھولاں بارے محکمو رام بن مشن فلوریکلچر اسکیم غے تحت بڑا پیمانہ ور گل مریم غی کاشتکاری نانہ فروغ دے ریبو ہے تے ورکشاپ غے ذریعے کساناں نانہ مفت ہائی برڈ بیج تکنیکی رہنمائی تے تربیت دتی گئی۔ رام بن ضلع غا دھلواس ، چمپا ، گاندھری ، کھبی ، کسل تے بٹلی علاقاں جیسا دیہاتاں ماتہ کاشت تیزی سنگ پھیلی ہے۔ اس بارے پون کمار اسٹینٹ فلوریکلچر افسر رام بن نے اس طرح کہیو۔.....

\*\*\*\*\*

## TEMPERATURE

کٹڑا شہر ماہہ درجہ حرارت 38 ڈگری سلسیس تیں زیادہ ہون تیں باوجود وی شری  
ماتا ویشنو دیوی ور آن آلا عقیدت مند ہر روز 30 تیں 35 ہزار ڈائریں ترکوٹہ  
پہاڑیاں غے ذریعے مقدس مزار ور آشہر واد حاصل کرن واسطے مقدس سفر  
کرربیا ہیں۔ آکاشوانی جموں گا نامہ نگار نے خبر دتی ہے کہ خطہ ماہہ شدید  
گرمی غے باوجود ملک گا بکھ بکھ حصاں تیں عقیدت مند سالانہ یاترا واسطے  
بیس کیمپ کٹڑہ بڑی تعداد ماہہ پُج رہیا ہیں۔ تے حکام تے شرانین بورڈ غی  
طرفوں بدھتا وا درجہ حرارت غے بشکار عقیدت منداں غی حفاظت تے راحت ناہہ  
یقینی بنان واسطے انتظامات ناہہ مضبوط کیو ہے۔ جد کہ یاترا غا رستہ ماہہ  
طبی کیمپ، پانی غی سہولیات آرام کرن غا مقامات، صفائی ستھرائی غی خدمات  
وی بڑھا دتی گئی ہے۔

\*\*\*\*\*

## UDHAMPUR GIRLS

ضلع ادھمپور غی نوجوان خواتین کراٹے کھیڈاریاں نے ایک بین العوامی کراٹے  
چیمپین شپ ماہہ شاندار کارکردگی غو مظاہرو کرتا واں کل 9 تمغہ حاصل کرغے  
علاقہ غو ناں روشن کیو۔ آکاشوانی جموں گا نامہ نگار نے خبر دتی ہے کہ  
باصلاحیت کھیڈاریاں نے چیمپین شپ غے دوران نمایاں مہارت، عزم تے  
نظم و ضبط غو مظاہرو کرتا واں بکھ بکھ خطاں تے ممالک غا شرکا سنگ مقابلو  
کیو تے اُن غی متاثر کُن تمغاں غی تعداد جموں کشمیر تیں اُبھرتی وی کھیڈاں  
غی صلاحیتاں غی عکاسی کرے۔

\*\*\*\*\*